

ADMINISTRACIÓN LOCAL

MUNICIPAL

COVELO

Outros documentos, notificacións e informacións públicas

PUBLICACIÓN DAS BASES E CONVOCATORIA DE CONCURSOS 2017

A N U N C I O

Con data 9 de xuño de 2017, o Sr. Alcalde aprobou a seguinte

R E S O L U C I Ó N :

“Dentro do programa de Actividades Culturais que o concello ten previsto realizar no presente ano 2017, se pretende levar a cabo tres concursos: Concurso de Debuxo, Concurso de Fotografía e Concurso de Postres. Para o desenvolvemento destas actividades e en uso das facultades que me confire a lexislación vixente, RESOLVO: APROBAR AS SEGUINTES BASES E CONVOCATORIA:

BASES E CONVOCATORIA QUE REXERÁN OS VI CONCURSOS CON MOTIVO DAS FESTAS PATRONAIS 2017

CONCURSO INFANTIL DE DEBUXO, CONCURSO DE FOTOGRAFÍA E CONCURSO DE POSTRES

1. OBXECTO DA CONVOCATORIA

É obxecto desta convocatoria, o fomento da participación dos veciños e veciñas en actividades de índole artística, creativa, gastronómica, de lecer e entretemento, nos actos programados co gallo das Festa patronais 2017, a través da participación no:

- CONCURSO INFANTIL DE DEBUXO,
- CONCURSO DE FOTOGRAFÍA
- CONCURSO DE POSTRES

2. CRÉDITO ORZAMENTARIO

Destínase un crédito máximo de 450,00 € que se imputará á partida 338.22699 do orzamento de gastos do ano 2017, para os premios ós gañadores dos distintos concursos programados co gallo das Festa patronais 2017.



Martes, 27 de xuño de 2017

Núm. 122

3. PARTICIPANTES

Poderán participar todas as persoas interesadas .

Quedan excluídos do concurso calquera empregado do concello, pero non os seus fillos, xa que se considera que os/as nenos/as non teñen por qué verse afectados. Así mesmo, tamén quedan excluídos os familiares directamente relacionados co xurado (fillos ou parella).

A participación nestes Concursos supón a plena aceptación das presentes Bases e a conformidade coas decisións do xurado.

4. INSCRICIÓN

O prazo de admisión nos concursos abrírase no momento da publicación das bases e o prazo de inscrición pecharase o venres 28 de xullo, ás 14:00 h. . Os debuxos e as fotografías deben presentarse na Biblioteca Municipal. Os participantes no concurso de postres deberán presentar os seus postres o sábado 29 de Xullo, ás 20:00 h. na praza Mestre Cerviño do Concello de Covelo.

5. REQUISITOS

Concurso Infantil de Debuxo

Os participantes deberán realizar un debuxo, de tema LIBRE, que deberá presentarse nun papel ou cartolina tamaño folio.

No reverso da cartolina ou folio, deberán figurar: o nome e apelidos do autor e o curso escolar que fixo este ano. Estes datos non serán utilizados para ningún fin alleo ó concurso. No momento do concurso a organización poralle un número identificativo a cada debuxo presentado, que será o que miren os xuíces. So se admitirá un debuxo por neno/a.

Concurso de Fotografía

Presentación das fotografías: fotos a cor ou en branco e negro, de tema LIBRE. Poden ser impresas en papel fotográfico ou en papel normal. O tamaño da foto será libre. Cada participante poderá presentar un máximo de dúas obras.

As obras serán presentadas baixo un lema escrito no respaldo da fotografía, e sen datos do autor.

Irán acompañadas dun sobre pechado, e no exterior deste figurará o mesmo lema que o das fotografías e no interior do sobre depositarase una nota, co nome, apelidos e domicilio do autor.

As fotos e os sobres cos datos, meteranse nun sobre onde por fora indique a categoría.



Concurso de Postres

Os participantes no concurso de postres deberán presentar os seus postres o sábado 29 de Xullo, ás 20:00 h. na praza Mestre Cerviño do Concello de Covelo, onde se lles entregará un número identificativo, un para o concursante e outro para o postre. Só se admitirá un postre por inscrición.

6. DESENVOLVEMENTO DOS CONCURSOS

Celebraranse o sábado 29 de xullo ás 20:30 h. na praza do Mestre Cerviño, onde se exporán os debuxos, fotografías e postres presentados.

7. COMPOSICIÓN DO XURADO

O xurado, como en tódalas edicións, será un xurado común aos tres concursos e estará formado por diversas persoas cualificadas para exercer esta función, en número impar, presidido polo Alcalde, e actuando como secretaria, a xuíza de paz do concello de Covelo.

Vocais:

- Un/unha reposteiro/a
- Un/unha pintor/a
- Un/unha fotografo/a

8. CRITERIOS DE AVALIACIÓN DO XURADO

Concurso Infantil de Debuxo

O xurado valorará a creatividade de 1 a 10 puntos, e a orixinalidade de 1 a 10 puntos.

Concurso de Fotografía

O xurado considerará, prioritariamente a creatividade, o vigor da imaxe gráfica, a idoneidade do traballo e a sintonía co espírito do noso medio rural, valorando de 1 a 10 puntos a calidade, e de 1 a 10 puntos a orixinalidade.

Concurso de Postres

O xurado valorará os postres, cun máximo de 20 puntos:

- Premio ao Sabor:
 - Sabor (de 1 a 10 puntos)
 - Dificultade (de 1 a 10 puntos)
- Premio a Presentación:
 - Orixinalidade (de 1 a 10 puntos)
 - Dificultade (de 1 a 10 puntos)



Martes, 27 de xuño de 2017

Núm. 122

O fallo do xurado levarase a cabo o mesmo día do concurso, onde se terán expostas as obras presentadas.

O xurado reservase o dereito de declarar deserto algún dos premios, por falta de asistencia de participantes ou que estes non se axustaran ás bases do concurso.

9. PREMIOS

Concurso Infantil de Debuxo

Estableceranse dúas categorías de participantes, dependendo do curso que rematasen:

1ª Categoría: nenos/as de 3 anos a 2º curso.

2ª Categoría: nenos/as de 3º a 6º curso.

Os premios para cada categoría consistirá nun cheque regalo de material de debuxo e escolar valorado en 50€ e un diploma.

Todos os participantes presentes serán agasallados cunha bolsa de chucharías.

Concurso de Fotografía

Establécense dúas categorías de participantes cos seguintes premios:

1ª categoría: de 18 anos en diante cun cheque regalo de 100€ e un diploma.

2ª categoría: de 13 a 17 anos cun cheque regalo de 50€ e un diploma.

Concurso de Postres

Establécense dous premios:

- Premio ó sabor: Cheque regalo por valor de 100€ e un diploma.
- Premio á presentación mais orixinal: Cheque regalo por valor de 100€ e un diploma.

Os premios faránse efectivos no momento do fallo do xurado. O premio, só se entregará se o premiado está presente; de non estar presente, o premiado será o seguinte na puntuación, salvo enfermidade, caso no que o poderá recoller o pai, nai ou titor legal.

Os premios non se darán en metálico senón en formato cheque – agasallo que se poderán trocar en calquera establecemento comercial situado dentro do termo municipal do Concello de Covelo, ata o 30 de novembro de 2017 previa autorización da Intervención do Concello. Soamente nun único establecemento.

Cando a persoa teña decidido onde vai a realizar o troco do cheque deberá comunicalo na Intervención do Concello para que a persoa responsable autorice ese gasto e se poña en contacto co establecemento para comunicarlle os datos da persoa premiada xunto co importe do gasto. Este gasto deberá ser exactamente igual que o importe do premio.

Código seguro de verificación: HKB60M4KDSXRPXSS



Martes, 27 de xuño de 2017

Núm. 122

10. RESPONSABILIDADE E PROPIEDAD INTELECTUAL

A organización non se fai responsable dos extravíos ou danos que poidan sufrir as obras presentadas ao Concurso.

Os gañadores do premios correspondentes cederán ao Concello de Covelo a propiedade das obras. Ó mesmo tempo, mediante o premio, o Concello de Covelo adquire, en exclusiva e no ámbito mundial, todos os dereitos económicos da propiedade intelectual inherentes á obra premiada e poderán libremente e sen pago de mais prezo, proceder á reprodución, distribución, comunicación pública e transformación durante o prazo sinalado polo artigo 26 do Texto Refundido da Lei de Propiedade Intelectual, tendo dereito a expresar a obra por calquera medio ou soporte tanxible ou intanxible, actualmente coñecido ou que se invente no futuro.

O Concello de Covelo, gardase o dereito de quedarse e utilizar os debuxos e as fotos que deste concurso se deriven para uso exclusivo de promocións turísticas ou culturais.

11. PUBLICIDADE

As bases e a súa convocatoria publicaranse no Taboleiro de Anuncios, na páxina web do Concello de Covelo e no BOP.”

Covelo, na data que figura no marxe.

O ALCALDE

Asdo. Juan Pablo Castillo Amigo

